

敕符咒

陰華發輝純陽不虧陰極生陽和霽霏霏非雨非霰天花速現一片初飛中華已徧帝勅所告陰凝陽戰唵都噓唎急攝

右符用皂紙粉書左手拍亥子文提起兩腎玄氣入心醞結瑤華之炁引出灌筆書符書了又運此炁布之或粘牒前或燒香爐中立有報應

靈風剪水符



水部威雄吹凌風激波持水陰雲濃剪水使者宣靈通化雨作雪成元功南閻世界瑞炁重紛紛密布玄陰宮瓊瑤祥光年不凶隨符報應驅玉龍變化靈光一刻中敢有違令送壯鄭急急準

玄天驅役水部致雪律令

右符用青紙黑書符中頭面上以白粉洒之法師閉息存腎炁充滿一身次存九泉

之炁自湧泉穴騰起透引腎炁捲雲滿天冷炁嘯出灌筆拍玉清訣書符書了再運此炁吹入符中

謹召清冷玉女字飛英素華玉女字秀瓊監勒水部激雲凝姑射元君助威靈呼吸陰霧凝同雲鼓舞靈吹香濛演習坎結碎玉冰瓊真真真英英急急奉水真陽極陰凝符命一到報應不停急急如律令

此咒乃致雪之靈章凡誦役用之十遍可  
以凝雲呼風立起陰冷黑霧雪花立降矣

道法會元卷之一百三十

道法會元卷之一百三十一

石匣水府起風雲致雨法

帥將

祠山正佑聖烈真君張勳

左衛大將軍丁聖者曠

右衛大將軍壬聖者泳

先鋒報應大將軍方通

火師曰久晴不雨田禾枯槁宜奏玄帝丐

差降張水部驅龍行雨或用鐵板或用新

瓦一片書二符投於川源潭洞龍井有靈

異去處或欲起風用活鯉魚一尾頰二符

於腮中但用小小紙片書之放於有龍處

却用皂旗點召丁壬二將念前呪向空中

揚舞指揮之狂風即至或欲祈雨建壇召

將燒召水部丁壬符存心火赤精之炁下

降腎水黑精之炁上騰二炁混合於中黃

之位從夾脊直上十二重樓透出頂門在

空中存丁壬二將與空中來者相合張大

判官居中丁壬諸神五湖四瀆九江八河

一切水司翕然會於頂上空却存吾身

爲玄天上帝面天門白祈雨事因念水府神呪天蓬呪天童經靈書中篇各七遍存諸神驅龍役電奔風行雨却以雙手掐子文握手訣用兩袖欵起於空中如見有魚鱗雲骨堆雲一至十白變黑則雨至也如

欲催促報應則陽日步陽手陰日步陰手面天門召將吏兩手雷局運心腎二炁於中黃衝上從頂門而出取赤黑金光三炁吹空中存見水部領諸神水司聚集行雨也若久雨不晴則當空運心腎二炁交會

於中黃混合湯從夾脊直上透頂門出赤黑金光之炁以雙手掐子文呵散雲翳存諸水府行雨龍神將吏各還所司如祈雨則存諸神畢聚祈晴則存諸神朗散此乃是其秘也

丁聖者赤靈大神符



右符紅紙朱書陽斗塗曠字北斗七真呪

七遍書之水府呪塗蓋掐手訣午文運心火昇于頂門吸引呵入符中

壬聖者黑靈大神符



右符黑紙白書陰斗塗泳字北斗七真呪七遍書之水府呪塗蓋掐手訣子文運腎水昇于頂門吸引吹入符中

召水府呪

水府神之精驅雷電運雷聲雷聲發震乾坤黑猪吐霧赤馬噴烟毒龍行雨風伯導前丁壬二將水火之源聞吾一召速至吾前急急如律令

湘江大湖衆水之都川連北海通及五湖飛霜青女馮夷同噓鰲吼翻浪風雨如珠蒸山起霧龍升太虛與雲密布雷電相符城隍社令速起方隅急來救旱普潤焦枯如違吾令攝送鄴都急急如上帝勅

召雷神呪

吾是天師弟子急召雷公電母火車霹靂赴壇真炁伏藏於此水雷杜雷龍王隱隱漸離茲土織女四哥聽今勾婁吉利外護僧滿昔降靈急出震宮巽戶東西南北中央起水興雲駕霧霧吾今召汝震擊急急大鳴雷鼓順者仗天施恩逆者不容雷斧若有不從罪先歸汝急急如

誓歛火分雷密呪

天道空闊地道廣漠神在渺邈雷在家廓天雷垂幕地雷垂帷天雷姓閻地雷姓郭天雷主斫妖雷主鏤威布天地聲震海嶽天伐妖邪雷主激剝大聲確確小聲礪礪震聲托托擊聲喔喔天不能回地不能過人不能度鬼不能覺吾與天雷盟地雷約與汝功同與汝道合奉汝不輕祀汝不薄帝有符命在吾掌握隨吾今來逐吾劍落與吾除妖爲吾伐惡吾今命汝急急縛縛運雷車持斧鑿吐火燒輝電爍提提鑽下斧鏤莫賺莫錯錯當斬

即斬當投即投誅伐效邪破除殘虐急捉却  
急擊却勅下急急如大神律令落落落落攝

析晴呪

太陽真火元明君散陰斥霧耀霞明四天光  
晃無纖凝南方丙丁速降靈侯感烈烈流金  
鈴九真老人佳瑞生上帝勅攝追飛焚陽華  
立現雨速晴敢有拒逆罪不輕上帝威靈速  
震攝急急如

上帝元降散陰開晴律令勅

火車火車雷令之家三五為帥是光無涯擲

火萬里掃蕩陰邪有約輔帝耀目銀牙豁除

水類迅速無差伯温奉命立現陽華急急如

上帝火令攝

金精玉闕天雲散開紫微降瑞涇雨淨埃太

陽一舒電光陰摧海伯風師收雲攝雷黃華

童子陽晶赫輝丙丁寅回紫微太極太上大

輪流金火鈴天帝勅命河上玉女收雲開光

奉勅今行急急如

太上風輪火車律令

析雪呪

金精太極玉華散光祈雪立應風火氣氳皓  
翁大師瑞雪太靈太清太極上清攝令急急  
如律令勅

東靈上相瑞光之家化生和氣徧滿中華六

合祛癘皓炁無涯五穀受晶華木成葩陰凝

海凍鳳膏銀牙起叱水輪速降瑤花急急如

律令勅

東靈上相瑞光之家密掌帝命瓊瑤天花主

豁火羈掃精滅邪慈仁救物應時無差願降

瑞雪徧布中華急急如律令勅

雷法說

天上有日月運行地下有風雲磅礴天一生

水在太陰中為雨露為霜雪地二生火在太

陽中為風震為雷電晝以火鏡對太陽則取

火夜以水鏡對太陰則取水天上純是火地

下純是水天一陽數却能生水所以火能生

水地二陰數却能生火所以水能生火日為

太陽外陽而內陰月為太陰外陰而內陽所

以陰中有陽陽中有陰水中有火火中有水

嘗見海船蒸夫說海中潮湧波翻拍天而作

遠遠望之海面波濤中無限火燄或者謂海  
鱷之鬚鬣鱗甲非也又見州城村郭中人說

曩年滿州遺漏鬱攸之變大火燄中忽降雨

電非樂巴之嘆酒乃水中有火火中有水之

義也水在平地浚掘可見火在木石鑽擊可

得雷在地中不在天上每每見雷在天上響

其實雷從地下發應在天上響如空谷傳

聲之義也風亦如之風從地下生發於半空

鳴風之為候起隨太陽出息則隨太陽沒若

起隨太陰出息則隨太陰沒也天地風雨晦

明之道實陰陽之造化也一陰一陽之謂道

偏陰偏陽之謂疾陰陽二炁升而降降而升

開而闔闔而開運行不差周流不息則風雨

調順纔有差誤不早則滯人身中之氣亦然

周流則六脉平和壅閉則百病膠擾夫天地

之間陰陽生熱之機陽盛陰弱為風陰盛陽

弱為雲陰陽激刺為雷陰陽升降為雨陰陽

凝流為電蓋陰陽之氣若陰只為陰陽只為

陽不有盛有弱不有生有殺不有升有降雖

天地胡為而天地也陽極處便有風熱極處

便有雨陰極處便有雲寒多處易作雪風隨  
火生熱極生風也雲隨水生寒極生雲也且  
如五行生剋制化之理豈特斬勘總真符也  
此事尤更貫通諸法木生於亥旺於卯水生  
於申旺於子火生於寅旺於午金生於巳旺  
於酉土生於中旺於戌金來北生水水來東  
生木木來南生火火來中土土來西生金  
金來東剋木木來中剋土土來北剋水水來  
南剋火火來西剋金金來南受火所制木來  
西受金所制水來中受土所制火來北受水  
所制土來東受木所制動極復靜靜極復動  
陰陽消長之機五行變化之道也金來南受  
火所制火制金之極極則變變則通然後火  
自去生土土既生土制金不及所以金自歸  
元復化為金也木來西受金所制金制木之  
極極則變變則通然後金自去生水水既生  
水制木不及所以木自歸元復化為木也水  
來中受土所制土制水之極極則變變則通  
然後土自去生金制水不及所以水自歸元  
復化為水也且如天逢法直月五符中立春

丁壬鍾歸者庚子至甲辰乃庚金剋甲木於  
辰上所以丁壬化木春季用事也立夏戌癸  
寶耀者壬子至丙辰乃壬水剋丙火於辰上  
所以戊癸化火夏季用事也立秋乙庚拒伯  
者丙子至庚辰乃丙火剋庚金於辰上所以  
乙庚化金秋季用事也立冬丙辛兵住者戊  
子至壬辰乃戊土剋壬水於辰上所以丙辛  
化水冬季用事也四季各十八日甲巳資寶  
者甲子至戊辰乃甲木剋戊土於辰上所以  
甲巳化土四季土旺各十八日依官曆看之  
用事也五行到辰上皆變化其餘皆不能變  
化也且如暑天陽極陰生龍陣降雹不得人  
世上水不能變化也龍陣行雨不取江海湖  
泖中水不能變化也雷州獻鼓於雷神故知  
雷神亦有人世物變化者也至於神祇鬼  
物幽爽之類亦欲得人世紙馬為寘漠之用  
是亦一變化也行雷之士內運水火升降之  
道激刺雷霆結鍊丹珠無纖果不是內事呵  
吁雷電得非變化乎登壇用事之際何嘗不  
用世間之水火有如鍊度亡魂必用水火盆

方能變化更不然亦得水一盂燈一炬可也  
又如洒淨斥邪必得法水神劍可也不假人  
世之火何能合內外之造化也且如天地  
之間風雲雷雨電各有門戶風在巽雲在艮  
雷在震雨在坎電在離然如是天上之巽宜  
特定於地上東南認地上東南為巽東北為  
艮東為震北為坎南為離遠矣人身中風雲  
雷雨電亦各有門戶頂竅疏通開天門也湧  
泉踏實閉地戶也臍輪寬暢留人門也緊縮  
穀道塞鬼路也震山風雷竅在耳兌山雲雷  
竅在鼻離山火雷電竅在眼坎山水雷竅在  
口土雷鎮中竅在頂門震怒中青竅在舌下  
凝香流珠二宮精為雨水也神為雷火也魂  
為風木也魄為電金也意為雲土也呵炁為  
雷嘻氣為靈吹氣為雨吁炁為風咽炁為電  
呼然為雲莫不以心起經綸萬神隨造化於  
黃中一竅而出直上與天通也吾之變化與  
天無極知之者則甚易昧之者則如聾者聽  
盲者視徒費力而事不濟抑何為哉

步斗罡統

金鎖流珠云步罡一步一步存如斗星大如金光圓毬踢上天則天關轉踏下地則地軸旋踢向離則火輪燒空踢向坎則水車流響神功浩大不可輕易侍宸有云交乾步斗非容易雷公冷笑不相當學者勉之

道法會元卷之一百三十一

道法會元卷之一百三十二

雷霆祈禱秘訣

坐鍊工夫

先疊手足閉目舌柱上膠靜坐調炁定息意到即運神光衝上以天目與劍訣望空

中書一團存五色金光燦爛日左月右天罡居中叩齒十二通先左手掐卯文誦呪

曰

噴華池玉液金容火色請召真炁灌我神室流入精元混合歸一急急如律令

呪畢以左鼻吸引紅光直射入口中嚥下丹田融結為紅光彈丸次掐酉文念呪曰

噴太乙正液金容碧色請召真炁灌我神室飛入泥丸照曜體宅急急如律令

呪畢以右鼻吸引金炁射入口中嚥下丹

田融結為碧色彈丸次掐辰文念呪曰

噴天罡大聖破軍前星流光萬里直衝津庭混合歸一我元神三炁化結照耀太清入我黃房萬神化生急急如律令

呪畢以兩鼻吸引五色真光直射入口結

夏三

為金彈嚥下脾宮中丹田運轉想見下丹田紅彈上來上丹田碧彈下去交會七次結成一塊復嚥下丹田念金光呪後以意引自尾闕直上夾脊雙關歷十二重樓上過泥丸顛門而出合空中風雲金光一團用子午斗一衝見使者分明在前念誦呪畢用左手雷局引前金光復歸下丹田安頓以津液吞嚥灌之

誓呪

汝乃天之精吾乃地之靈分汝之精合吾之形混合相合為神為靈出為風雨入則長生隨吾指揮隨吾使令汝若負我風刀考身我若負汝品秩不陞使者張其諦聽諦聽毋忘此盟急急如太上律令

祈禱要訣

凡祈晴祈雨殺伐必須先發奏申文牒符命焚香祝告限定日時報應却就一靜室打坐凝神定意不可亂念一絲不掛萬慮俱忘收拾居中塞二穴玄膺閉五炁待水